



Broj: 03-18-1078/21  
Vogošća, 30.07.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 30.07.2021. godine donio je

**ODLUKU  
O IZBORU NAJPOVOLJNIJEG PONUĐAČA ZA PRUŽANJE USLUGE IZRADE IDEJNOG  
I GLAVNOG PROJEKTA IZGRADNJE ŠETNICE NA POTEZU NOVA INDUSTRIJSKA ZONA-  
SŠC VOGOŠĆA**

**Član 1.**

Ponuda ponuđača "Remote" d.o.o. Sarajevo, ulica Samira Gradišića broj 7. Vogošća, odabrana je za pružanje usluge izrade Idejnog i Glavnog projekta izgradnje šetnice na potezu Nova industrijska zona-SŠC Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 5.749,00 KM bez uračunatog PDV-a.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 29.06.2021. godine donio Odluku o pokretanju Otvorenog postupka nabavke usluge izrade Idejnog i Glavnog projekta izgradnje šetnice na potezu Nova industrijska zona-SŠC Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 30.06.2021. godine pod brojem: 1353-1-2-113-3-86/21.

Sažetak Obavještenja o nabavci objavljen je u "Službenom glasniku BiH" broj: 42/21 od 09.07.2021. godine.

Tendersku dokumentaciju sa Portala javnih nabavki BiH je preuzeo 21 (dvadeset i jedan) ponuđač.

Krajnji rok za dostavu ponuda bio je 27.07.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 27.07.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-18-1078/21 iz juna 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a	UKUPNA CIJENA (KM) sa PDV-om
1	"Radis" d.o.o. Istočno Sarajevo	7.210,00	/	/	8.435,70
2	"Smajić-inženjering" d.o.o. Goražde	7.200,00	3%	6.984,00	8.171,28
3	"Urbis centar" d.o.o. Banja luka	6.100,00	/	/	7.137,00
4	"PPG" d.o.o. Sarajevo i "Pronasa" d.o.o. Sarajevo	6.500,00	/	/	7.605,00
5	"Remote" d.o.o. Sarajevo	5.749,00	/	/	/

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Urbis centar" d.o.o. Banja Luka ne ispunjava formalno-pravne uslove tražene Tenderskom dokumentacijom i to:

- Tačkom 9.8.1.TD je propisano da će ugovorni organ dostaviti na potpis izabranom ponuđaču prijedlog Ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Ugovora je uključen u Aneks 7. tenderske dokumentacije ("nacrt"). Ponuđač treba potpisati prijedlog Ugovora i popuniti sve dijelove koji su ostavljeni prazni (nacrt ugovora mora biti uredno popunjen, potpisan i ovjeren pečatom ponuđača).  
Ponuđač "Urbis centar" d.o.o. Banja Luka je propustio da popuni dijelove koji su ostavljeni prazni u nacrtu Ugovora (str. 77. Ponude), te je na taj način postupio suprotno jasno postavljenom zahtjevu ugovornog organa iz TD.  
Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ

Detaljnijim postupkom pregleda i ocjene ponuda, Komisija za javne nabavke je utvrdila da Ponude ponuđača/Grupe ponuđača:

- "Radis" d.o.o. Istočno Sarajevo,
- "Smajić-inženjering" d.o.o. Goražde,
- "PPG" d.o.o. Sarajevo i "Pronasa" d.o.o. Sarajevo i
- "Remote" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno

je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Nakon svega iznesenog, Komisija za javne nabavke je sačinila Rang listu u Otvorenom postupku nabavke usluge izrade Idejnog i Glavnog projekta izgradnje šetnice na potezu Nova industrijska zona-SŠC Vogošća kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Remote" d.o.o. Sarajevo	5.749,00	/	/	/
2	"PPG" d.o.o. Sarajevo i "Pronasa" d.o.o. Sarajevo	6.500,00	/	/	7.605,00
3	"Smajić-inženjering" d.o.o. Goražde	7.200,00	3%	6.984,00	8.171,28
4	"Radis" d.o.o. Istočno Sarajevo	7.210,00	/	/	8.435,70

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Remote" d.o.o. Sarajevo, za pružanje usluge izrade Idejnog i Glavnog projekta izgradnje šetnice na potezu Nova industrijska zona-SŠC Vogošća, kao prvoplasiranom na Rang listi, sa ponuđenom ukupnom cijenom nabavke u iznosu od 5.749,00 KM bez uračunatog PDV-a.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršč



Dostavljeno:

1. "Radis" d.o.o. Istočno Sarajevo
2. "Smajić-inženjering" d.o.o. Goražde
3. "Urbis centar" d.o.o. Banja Luka
4. "PPG" d.o.o. Sarajevo
5. "Remote" d.o.o. Sarajevo
6. Nadležnoj Službi
7. U dosije
8. a/a

057/343-136

smajicinzenjering@gmail.com

051/223-962

info@ppg.ba

info@rmt.ba

